

**AGENDRE FANEMA EHEHA NI'AMONI'Ö**

MINGGU 24 Mei 2026

**1. FANGOWAI BA FOGAONI**

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

- Fangowai** :
- SA** : Ya'ami banua Zo'aya, No oi owulo ita oi faondra ba wa'owuawua dödö ba wa nöro tödö Fanema Eheha Ni'amoni'ö. Ma'owai Ami ba döi Yesu Keriso, : Ya'ahowu.
- SATO** : Ya'ahowu !
- SA** : Ba wa'owuawua dödö andrö, da talau fara'u tanga khö nawöda si so ba gambölöda ba ba gaberada zamösana ba tamane : Ya'ahowu wanema Eheha Ni'amoni'ö !
- SATO** : Ya'ahowu wanema Eheha Ni'amoni'ö.
- SA** : Ya faofao khömi Lowalangi...
- SATO** : Ya fao Khöu Geheha-Nia
- Fogaoni** :
- SA** : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 119**

**119. HE YESU, BE GEHEHAMÖ**

Lala : Nisuno Lowalangida Sahakhö Tödö ( No. 16 )

do = d 4/4

MM = 96 – 104

1. He Yesu, bè Geheha-Mö, dozigö zamati khö-Mö, niha ba gulidanö. Si möi fangehaogö dödö, dozi si no tanakhö-Mö, si lö mamalömalö. Khö-U sa möiga, ba wanema howuhowu soroi Nama, hakhösi tödö-U, So'aya.
2. Te'ala ba abu dödö, na lö khöma Eheha-Mö, sohagaini tödöma. Tebai matara lahe-Mö, na lö sangaro'ö tödö, sondrou'ö famatima. Yesu, tolo, be'e khöma Geheha, sangabölö'ö, afu so wa'anau gölö.

**2. FANGA'ARO'Ö WA'OWULO (VOTUM)**

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):  
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....
- SATO** : YADUHU
- SA** : Ba Ube'e khömi dödö si bohous ba Eheha si bohous Ube'e khömi ba dödömi bakha; tödö kara andrö, ba Uheta barö dotomi ba Ube'e khömi dödö nagole. Ba Eehagu Ube'e ba dödömi ba mi'o'ö ni fakhoi-Gu Ube'e, ba mitöngöni lala ni be'e-Gu ba mitörö. **HALELUYA.....**
- SA** : **Manunö** : BZ. : 452
- HALELUYA....HALEYA.... HALELU...YA.....**
- SA** : Mangandrö ita :

He Yehowa Lowalangima ! Nisuno dōi-Mō gōtōgōtō wa'ara, me no sebua tōdō Ndra'ugō. No Ōfatenge Geheha-U Ni'amoni'ō, ba wamohouni, ba wondrorogō, ba ba wangaro'ō ya'aga tobali ono sanema ondrōita sebua bōli, ya'ia wangorifi andrō ba khō Zo'aya ya'aga Yesu Keriso. No Ōfatenge khōma, Geheha Ni'amoni'ō ba wamaha'ō ba ba wohagaini ya'aga banua-U. Mangalulu ndra'aga khō-U si fao fangide'ide'ō ba wanema'ō Eheha-Mō, ena'ō I'agō dōdōma. Aine khōma Eheha ni'amoni'ō ba wangabölō'ō ya'aga ba wolo'ō somasi Zo'aya ya'aga Yesu Keriso, Yaduhu. (Mudadao

zato)

### 3. MANUNÖ moroi ba Mbuku Zinunö Numero 120

#### 120. HE YESU, BE GEHEHAMÖ EHEHA NI'AMONI'Ö 1

do = c 4/4

MM = 96 - 104

1. He Yesu bè Geheha-Mō, Eheha Ni'amoni'ō, sangiagō tōdōma. Afu tōdōma tehaogō, abeta zilō atulō, tebohouni ndra'aga. Aine khōma, Eheha Ni'amoni'ō soroi Nama, sangabölō'ō ya'aga.
2. Ya Eheha-U zamotokhi, ba dōdōma fa'omasi, si'otarai Zo'aya. Afu ma'omasi'ō gōi, nawōma soroi wamati, dali zomasi Nama. Aine khōma, Eheha Ni'amoni'ō soroi Nama, Ya'ugō dōtōnafōma.

### 4. FOMBASO TAROMA LI LOWALANGI FAMÖRÖGÖ (AF)

: Da Tafondrongong Daroma Li Lowalangi, Tehalö Moroi Ba Zura I Moze 4:17-26

17. Ba orudu Ga'ino khō wo'omonia, ba manabina ba madono, Khanoki dōi nononia. Ba itaru'ō mbanua ba ibe'e tōi mbanua andrō dōi nononia andrō, Khanoki.
18. Ba ono Khanoki, ba Iradi. Ba ono Giradi ba Mehuya'eli, ba ono Mehuya'eli, ba Metuza'eli, ba ono Metuza'eli ba Lameki.
19. Ba samodombua dongania Lameki andrō, Ada dōi zi sambua ba Sila dōi zi sambua.
20. Ba mo'ono Gada, Yabalo dōi nononia, tua zi so baosi, sanguri hadia ia da'ō.
21. Ba akhinia Yubalo, tua zolau biola ba sigu.
22. Ba mo'ono gōi Zila, Tubaka'ino nononia, tua ziambu da'ō, ba talifusōnia alawe, ba Na'ama.
23. Ba imane Lameki khō wo'omonia andrō si darua: Ya'ugō Ada ba ya'ugō Sila, mifondrongondrongo wehedegu andre! Ya'ami fo'omo Lameki, ya'aboto ba dōdōmi niwa'ōgu! Ubinu niha, balō zokho andre khōgu ba ono niha balō zelezitō andre.
24. Na fitu winaeta wolau balō Ga'ino, ba fitu ngafulu a fitu winaeta mbalō Lameki andre.
25. Ba ifuli orudu Gadamo khō wo'omonia, ba mo'ono ia ono matua, ba ibe'e tōinia Zeti (Te'ali). [Imane]: Noa sa ibe'e khōgu nga'ōtō bō'ō Lowalangi, fangali Habeli andrō, nibunu Ga'ino.
26. Ba mo'ono gōi Zeti andrō, ba ibe'e tōi nononia Genosi. Ba me luo da'ō, ba labōrōtaigō we'angarōfi li dōi Yehowa.

Simanö daroma Li Lowalangi, da tatema'ō faoma sinunö: BZ.Numero 120:1

#### 120. HE YESU, BE GEHEHAMÖ EHEHA NI'AMONI'Ö 1

do = c 4/4

MM = 96 - 104

1. He Yesu bè Geheha-Mō, Eheha Ni'amoni'ō, sangiagō tōdōma. Afu tōdōma tehaogō, abeta zi lö atulō, tebohouni ndra'aga. Aine khōma, Eheha Ni'amoni'ō soroi Nama, sangabölō'ō ya'aga.

<sup>1</sup> Note : Tim Revisi Buku Zinunö BNKP 2009

## 5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia, fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

### Mangandrö ita :

He Yehowa Lowalangima si no fahöna fa'omasi ba niwöwöi-Mö fefu. Ma'ondrasi Ndra'ugö ma'ökhö andre, ba wangombakha khö-U, wa tenga sinangea ndra'aga wanema howuhowu, meno fahöna horöma; me lö khöma fanörö lala satulö föna U, me ma'o'ö nikhoi dödöma sito ölö andrö. Ba meno oroma khöma Geheha ni'amoni'ö, sohagni lalama, ba solohe ya'aga ba zi duhu, andrö ma'andrö khö-U: Heta ba dödöma fefu zira'ira'io andrö, ba be'e aefa khöma horöma, ena'ö tola monaha ba dödöma, Zanolo, nifabu'u-Mö andrö, si no möi ba wanolo ya'aga ba wolawa afökha, sanandraigö ya'aga ero ma'ökhö; afu tola Ötandrösaigö khöma göi ngawalö howuhowu somasi'Ö, ba ena'ö sangila Lowalangi ndra'aga ba gamozua, ba zorugo yawa.

SATO : Mangandrö ba dödö zamösana föna Lowalangi .....1 irugi 2 meniti

SA : Hakhösi dödö-U khöma Ama, ba be'e aefa khöma horöma andrö ma'afefu. Yaduhu

SATO : Manunö : BZ. Numero 224 : 1

## 224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Fa'ahakhö dödö sa, wa no auri ami, moroi ba wamati, ba tenga moroi khömi da'ö, no buala Lowalangi. "Eheha andrö ba no we'ewe'e dödöda, ba gondröita andrö fefu, ya'ia wangöhöli andrö ba fangorifi ba wanuno lakhömi-Nia andrö".LAKHÖMI KHÖ LOWALANGI SI YAWA.....

SATO : Manunö:

## 450. BA FA'ATULÖ BA GULIDANÖ

do = d 4/4

MM = 74 – 84

1. Ba fa'a tulö ba gulidanö ba niha ni'omasi 'ö andrö

(mudadao zato)

## 6. FOMBASO WAÖWAÖ WANEMA EHEHA NI'AMONI'Ö

SA : Da tafondrondrongo waöwaö wolau Eheha Ni'amoni'ö

- 1) Manunö moroi ba BZ. No 119:1

### 119. HE YESU, BE GEHEHAMÖ

Lala : Nisuno Lowalangida Sahakhö Tödö ( No. 16 )

do = d 4/4

MM = 96 – 104

3. He Yesu, bè Geheha-Mö, dozigö zamati khö-Mö, niha ba gulidanö. Si möi fangehaogö dödö, dozi si no tanakhö-Mö, si lö mamalömalö. Khö-U sa möiga, ba wanema howuhowu soroi Nama, hakhösi tödö-U, So'aya.

+ Fombaso Halöwö Zinenge 2:1-4

1. Ba me luo wendrakose (si 50) ba no owulo ira fefu, ha sambua naha.
2. Ba i'ozumagö so zihöngö, si otarai mbanua si yawa, hulö na itörö angi

sabōlōbōlō, ba ifōnui nomo andrō, ma'asambua, ba zi dadao ira.

3. Ba oroma khōra dalinga wandru, si fabalibali, alitō wamaigira, ba idozigō ira, ahono ba hōgōra.
4. Ba fahōna khōra Geheha ni'amoni'ō, ba labōrōtaigō lalau li bō'ō, si mane nibe'e Geheha khōra fanōtōi.

2) Manunō moroi ba BZ. No 119:2

### **119. HE YESU, BE GEHEHAMÖ**

4. Te'ala ba abu dōdō, na lö khōma Eheha-Mö, sohagaini tōdōma. Tebai matara lahe-Mö, na lö sangaro'ō tōdō, sondrou'ō famatima. Yesu, tolo, be'e khōma Geheha, sangabōlō'ō, afu so wa'anau gölō.

+ Fombaso Halōwō Zinenge 2:5-13

5. Ba so zi fatewu gana ba Yeruzalema, niha Yehuda, niha sangata'ufi Lowalangi, soroi fefu soi ba guli danō.
6. Ba me so zihōngō andrō, ba aekhu niha sato ba tobali dōdōra, me larongo wehedera ba li khōra, dozi ira.
7. Ba tobali dōdōra, dozi ira, ahōlihōli dōdōra ba lamane: Hiza, tenga banua Galilaia ira, dozi sihede andrō?
8. Ba he wisa wa tarongo lida, dozi ita, li ba danōda, ba zi tumbu ita?
9. Ya'ita Dawa Waretia ba Dawa Media ba Dawa Gelama, awō zi so ba Mezofotamia, ba ba Yudaia ba ba Gafadokia, ba Wondro ba ba Azia,
10. ba Werigia ba ba Wambilia, ba danō Miserayi ba ba danō Libia, tánō ba Girene, awō zi fatewu gana ba Roma, niha Yehuda, awō zi no mōi banuara,
11. Dawa Gereta ba Dawa Ara, ba tarongo, lalau lida, wangombakha segebua andrō, nilau Lowalangi.
12. Ba tobali dōdōra, dozi ira, lö la'ila watahōgō, faoma lamane khō nawōra: He wisa da'ō dania?
13. Ba so zangaohangaoha ōsa, lamane: Si mabu agu sami.

3) Manunō moroi ba BZ. No 119:3

### **119. HE YESU, BE GEHEHAMÖ**

5. Mabe' e dōdōma khō-Mö, haogō ba wa' omasi-Mö, fa' abōlō Geheha. Tena'wa zi lö atulō, si mōi fana' unōi dōdō, si tobali fangala. Yesu be' e haga Geheha sangoroma lalama, Ena' ö lö te' alaga.

+ Fombaso Taroma Li Lowalangi nibaso fōna huhuo (AB).....Tehalō moroi ba zura **Yohane 14:15-26**

**15. Na mi'omasi'ō ndra'o, ba mi'o'ō goroisagu.**

**16. Ba ya'o, ba u'andrō dania khō Nama, ba ibe'e khōmi zanolo tánō bō'ō, ena'ō lö aefa ia khōmi, irugi zi lö aetu;**

**17. Eheha si duhu andrō, si tebai latema niha guli danō, me lö la'ila, me lö aboto ba dōdōra. Ba dōdōmi no aboto ia, me lö aefa ia khōmi, ba ba dōdōmi so ia dania.**

**18. Lō urōi ami, hulō zi lö ama, si lö ina, mōido khōmi.**

**19. Ma'ifu tō na, ba lö'ō sa'ae la'ilado niha guli danō, ba ya'ami zangila ya'o, auri sa ndra'o, ba sauri gōi ami dania.**

**20. Na luo da'ō, ba aboto ba dōdōmi, wa ba dōdō Nama so ndra'o, awō wa ba dōdōgu so ami ba ba dōdōmi so ndra'o.**

**21. Si so oroisa andrō khōgu, solo'ō ya'ia, da'ō zomasi ya'o. Ba ni'omasi'ō Namagu zomasi ya'o; ba ya'o gōi u'omasi'ō ia ba u'oroma'ō ndra'o khōnia.**

**22. Imane khōnia Yuda, tenga banua Kariota andrō: He Tua, hadia ia wa ō'oroma'ō ndra'ugō khōma, ba lö ō'oroma'ō ndra'ugō ba niha guli danō?**

23. Itema linia Yesu, imane khōnia: Na so zomasi ya'o, ba i'o'ō ligu, ba i'omasi'ō Amagu, ba mōiga khōnia, ba ba khōnia ma'iagō.  
 24. Si lō mangomasi'ō ya'o, ba lō i'o'ō ligu. Ba taroma li andrō, nirongomi, ba tenga khōgu, no khō zamatenge ya'o, khō Nama.  
 25. Da'ō niwa'ōgu khōmi, fatua lō ahettato khōmi.  
 26. Ba sanolo andrō, Eheha ni'amoni'ō, nifatenge Namagu dania ba dōigu, da'ō zamahaō ya'ami, ba da'ō fefu, ba ahoi ifasugi ba dōdōmi niwa'ōgu khōmi.

Ya'ahowu zamondrongo taroma Li Lowalangi ba Same badōdō...

8. SA+SATO  
 FASÖMBATA  
 SA

: Yaduhu

: Iada'e tebe'e khōda ginötō ba wolohe fasömbata khō Lowalangi. Ta'osamuzaigō wame'e, he fasömbata si föfōna, ba simanō göi zi mendrua awō zi medölu, sifao fangowuloi fasömbata DPS. Ba si föfōna ua da tafondrongo Li Lowalangi me imane:

- ❖ Ba da'ō niwa'ō-Gu: Na so zangatalisi tanömō, ba lö oya'oya ibasi, ba na so zi lö alimagō tanömō, ba oya göi ibasi dania. Ba balazi dōdō zamōsana; böi abu dōdō, ba tenga ni forege; si no aoha gölō fame'e, da'ō sa zomasi Lowalangi.

Tafa'ema wasömbata khō Lowalangi, manunō ita moroi ba Mbuku Zinunō  
 Numero 127

## 127. HOWUHOWUMÖ SO'AYA 1

do = f, 6/4

MM = 96 - 104

1. Howuhowu-Mö So' aya hulö sa wa ' aekhu deu.  
 Möi fangatabö zinanö ba fangohahau dōdō.  
 Yae ndra' o, yae ndra' o, fa - ho-wu ' ö göi ndra' o.
2. Böi lalöi ndra' o So' aya, he oya golalöwa.  
 Hakhösi tödö-U ndra' odo, he tenga sinangea,  
 Yae ndra' o, yae ndra' o, hakhösi tödöu ndra' o.
3. Ondrasi ndra' o Keriso, tötönafoögu saro.  
 Humulu sibai dōdögu, wogaoni-Mö ya' odo.  
 Yae ndra' o, yae ndra' o, me no göi Ökaonido.
4. Aine Eheha wa' auri, ae hagaini dōdögu.  
 Taroma li-Mö sindruhu, zamaeri fa' aurigu.  
 Yae ndra' o, yae ndra' o, ae hagaini dōdögu.
5. Sarörö manö ndra' odo, no ubusi dōdö-Mö.  
 No manötöna ndra' odo, ba nösi gulidanö.  
 Yae ndra' o, yae ndra' o, orifi göi ndra' odo.
6. Fa' omasi soroi Nama, fa' abölö ndro Yesu.  
 Ba fa' abölö Geheha zangaro famatigu.  
 Yae ndra' o, yae ndra' o, a' aro' ö dōdögu.
7. A' aro' ö khö-U dōdögu, Ama Lowalangigu.  
 Be' e nidanö aurifa umbu wangorifigu.  
 Yae ndra' o, yae ndra' o, be' e nidanö gumbu.

SA

: *(Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö ( irama lagu ).Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....  
 Manunö ita moroi ba Mbuku Zinunö numero 261

## 261. YA'E ZUMANGE 2

do = d 4/4  
MM = 62 – 68

**Ira'alawe**

1. Ya 'e zu-ma-nge fa-sömbata, ma 'ohe sumange Yehowa.  
**Iramatua**  
*Reff*: Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.  
*Reff*: Ma'andrö khö-U ....
3. Ya'e zumange fasömbata buala si'otarai Nama.  
*Reff*: Ma'andrö khö-U ....
4. Ya'e zumange fasömbata, boto, noso, ba fa'aurima  
*Reff*: Ma'andrö khö-U ....
5. Ya'e zumange fasömbata, lö irugi zomasi dödö-U.  
*Reff*: Ma'andrö khö-U ....
6. Ya'e zumange fasömbata, ma'aohasi gölö Zo'aya.  
*Reff*: Ma'andrö khö-U ....

**FANGANDRÖ** : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

**9. KOOR/VOKAL GROUP**

**SA** : Da tafaogö dödöda ba wanuno Lowalangi faoma sinunö ni'olohesi:  
Koor ba Vokal Group  
a. Koor Jemaat  
b. Kegiatan Komisi Perempuan  
c. Kegiatan Sektor I  
d.  
e.

**10. MANUNÖ**

**SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

**163. UHONOGÖ SIBAI DÖDÖGU**

do = a, 4/4  
MM = 76 – 82

1. Uhonogö siba dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

**11. HUHUA SEBUA**

**SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.  
a. Fombaso taroma Li Lowalangi *I Korindro / I Korintus 12:3-11 (Tuho Migu: Faehu Mbuala Fa'ebua dodo ba Hasambua Geheha / Ragam Karunia Dalam Satu Roh*  
b. Fanuriaigö  
c. Nitanö ba dödö. *I Korindro / I Korintus 12:4 (Ba no faehu mbuala fa'ebua dodo andrö, ba hasambua Geheha. /Ada rupa-rupa karunia, tetapi satu Roh.)*  
d. Fangandrö Fanga'aro'ö huhuo

**SATO** : Manunö : BZ. Numero 154 : 1

do = es 4/4  
MM = 96 - 104

- No mafondrongo li-U, Lowalangi So ' aya.  
Tanö ba dödöma ia, fa böi olifuga.  
Fahowu 'ö ia khöma, ena ' ö ohahau dödöma fefu.  
Heta ba dödö zi lö sökhi, ma'o ' ö niwa 'ö-U.

## 12. TUHO WAMATI

- SA** : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.  
❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.  
❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

## 13. ANGOMBAKHATA BA MBANUA NIHA KERISO

- SA** : Da tafondrongo gangombakhata:.....

### FEMANGA GÖ NI'AMONI'Ö

#### MANUNÖ

- SA** : Manunö ita moroi ba Mbuku Zinunö **numero: 123 ayati 1-2**

#### 123. NA SO ZANGANDRÖ EHEHA

Lala : Tabu Ta' o' ö Zo' aya ( No. 281 )

do = es 4/4

MM = 96 - 104

- Na so zangandrö Eheha, lö sa zi lö itema.  
Ba zi so Eheha andrö, lala Yesu latörö.  
So khöra wa' anau gölö, ba wasöndrata ba horö.
- Eheha zanga' aro' ö, tötönafo dödöda.  
Ya' ia zamaduhu' ö, wa ono Nama ita.  
Tadönadöna takhamö, naha sahono dödöda.

## 14. FANGANDRÖ SALAHI + FAMATENGE + HOWUHOWU

- SH** : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

- SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

- SH** : **FAMATENGE + HOWUHOWU :**

Mi'angawuli si fao fa'ohahau dödö, ya tobali ami sura Keriso, samaduhu'ö Ya'ia ba Lala wa'aurimi sero ma'ökhö, ba mitema (tatema) howuhowu Lowalangi :

- ❖ Ya mufahowu'ö ami/ita Lowalangi, Ya murorogö ami/ita
- ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
- ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda

fefu. Yaduhu

**SATO** : Manunö BZ.Numero : **123 ayati 3**  
**123. NA SO ZANGANDRÖ EHEHA**  
Lala : Tabu Ta' o' ö Zo' aya ( No. 281 )  
do = es 4/4  
MM = 96 - 104  
3. Si lö tebulö Geheha, irugi gamozua.  
Ba zamonaha Ya' ia, lö sa faröi Zo' aya.  
Ya taröi gisö' isöda, afu tasöndra wemöna.

**SH** : YA'AHOWU  
**SATO** : YA'AHOWU